

МОНГОЛ УЛСЫН ХУУЛЬ

2024 оны... дугаар
сарын ...-ны өдөр

Улаанбаатар
хот

**ЗӨРЧЛИЙН ТУХАЙ ХУУЛЬД
НЭМЭЛТ, ӨӨРЧЛӨЛТ ОРУУЛАХ ТУХАЙ**

1 дүгээр зүйл.Зөрчлийн тухай хуулийн 17.1 дүгээр зүйлд доор дурдсан агуулгатай хэсэг нэмсүгэй:

1/17.1 дүгээр зүйлийн 37, 38, 39 дэх хэсэг:

“37.Нам, эвслийн дарга, нэр дэвшигч оролцсон, эсхүл хуульд зөвшөөрснөөс бусад хэлбэрийн бие даасан нэвтрүүлэг, хөтөлбөр, дуу, ярилцлагыг сонгуулийн сурталчилгаа эхэлснээс хойш санал авах өдрийг дуустал хугацааны дотор нэвтрүүлсэн бол хүнийг хорин мянган нэгжтэй тэнцэх хэмжээний төгрөгөөр, хуулийн этгээдийг хоёр зуун мянган нэгжтэй тэнцэх хэмжээний төгрөгөөр торгоно.

38.Хүүхдэд зориулсан нэвтрүүлэг дундуур сонгуулийн сурталчилгаа нэвтрүүлсэн бол хүнийг хорин мянган нэгжтэй тэнцэх хэмжээний төгрөгөөр, хуулийн этгээдийг хоёр зуун мянган нэгжтэй тэнцэх хэмжээний төгрөгөөр торгоно.

39.Сонгуулийн сурталчилгааны нэвтрүүлгийг нэгээс илүү сувгаар нэвтрүүлсэн бол хүнийг хорин мянган нэгжтэй тэнцэх хэмжээний төгрөгөөр, хуулийн этгээдийг хоёр зуун мянган нэгжтэй тэнцэх хэмжээний төгрөгөөр торгоно.”

2 дугаар зүйл.Зөрчлийн тухай хуулийн 17.1 дүгээр зүйлийн 16 дахь хэсгийн 16.5 дахь заалтын “амлалт өгсөн,” гэсний дараа “эсхүл тухайн жилийн төсөвт тусгаагүй нийгмийн халамж, хамгааллын хөтөлбөр хэрэгжүүлэхээр зарласан,” гэж, 16.7 дахь заалтын “байгуулсан” гэсний дараа “, нийтэлсэн, нэвтрүүлсэн” гэж тус тус нэмсүгэй.

3 дугаар зүйл.Зөрчлийн тухай хуулийн 17.1 дүгээр зүйлийн 23 дахь хэсгийн “Хандив өгөхийг хориглосон этгээдээс өгсөн хандивыг” гэснийг “Хандив өгөхийг хуулиар хориглосон этгээдээс хандив өгсөн бол, тус хандивыг тухайн сонгуулийн дүн гарахаас өмнө буцаан шилжүүлээгүй бол, эсхүл хуульд зааснаас илүү хэмжээний хандивыг тухайн сонгуулийн дүн гарахаас өмнө” гэж, тус зүйлийн 30 дахь хэсгийн 30.2 дахь заалтын “саналаа болон бусад сонгогчийн тэмдэглэсэн саналыг баримтжуулан” гэснийг “санал, саналын хуудасны” гэж тус тус өөрчилсүгэй.

4 дүгээр зүйл.Зөрчлийн тухай хуулийн 17.1 дүгээр зүйлийн 20 дахь хэсгийн “, эсхүл сонгуулийн сурталчилгаа эхлэхээс өмнө хийгдсэн аливаа нэвтрүүлэг, хөтөлбөр, дуу, дүрс бичлэг, ярилцлагыг нэвтрүүлсэн, нийтэлсэн” гэснийг, мөн хэсгийн “төгрөгөөр, хуулийн этгээдийг хоёр зуун мянган нэгжтэй тэнцэх хэмжээний” гэснийг тус тус хассугай.

5 дугаар зүйл.Зөрчлийн тухай хуулийн 17.1 дүгээр зүйлийн 7, 10 дахь хэсгийг тус тус хүчингүй болсонд тооцугай.

6 дугаар зүйл.Энэ хуулийг батлагдсан өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2024 оны... дугаар
сарын ...-ны өдөр

Улаанбаатар
хот

ЗӨРЧИЛ ШАЛГАН ШИЙДВЭРЛЭХ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл. Зөрчил шалган шийдвэрлэх тухай хуулийн 1.8 дугаар зүйлийн 6.8 дахь хэсгийн “17.1 дүгээр зүйлийн 1, 2, 3, 5, 6, 9, 10, 11, 12, 13, 15 дахь хэсэг” гэснийг “17.1 дүгээр зүйлийн 1, 2, 3, 5, 6, 9, 11, 12, 13, 15, 17, 20 дахь хэсэг” гэж, мөн зүйлийн 6.50 дахь хэсгийн “17.1 дүгээр зүйлийн 14, 15, 17, 20 дахь” гэснийг “17.1 дүгээр зүйлийн 14, 37, 38, 39 дэх” гэж, 7 дахь хэсгийн “17.1 дүгээр зүйлийн 7,” гэснийг “17.1 дүгээр зүйлийн” гэж тус тус өөрчилсүгэй.

2 дугаар зүйл. Энэ хуулийг батлагдсан өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2024 оны... дугаар
сарын ...-ны өдөр

Улаанбаатар
хот

ЭРҮҮГИЙН ХЭРЭГ ХЯНАН ШИЙДВЭРЛЭХ ТУХАЙ ХУУЛЬД
ӨӨРЧЛӨЛТ ОРУУЛАХ ТУХАЙ

1 дүгээр зүйл. Эрүүгийн хэрэг хянан шийдвэрлэх тухай хууль /шинэчилсэн найруулга/-ийн 1.8 дугаар зүйлийн 1 дэх хэсгийн “Энэ хуульд заасан үндэслэл, журмаас гадуур” гэснийг “Хуульд заасан үндэслэл, журмаас гадуур” гэж өөрчилсүгэй.

2 дугаар зүйл. Энэ хуулийг батлагдсан өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2024 оны... дугаар
сарын ...-ны өдөр

Улаанбаатар
хот

ЗАХИРГААНЫ ХЭРЭГ ШҮҮХЭД ХЯНАН ШИЙДВЭРЛЭХ ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Захиргааны хэрэг шүүхэд хянан шийдвэрлэх тухай хуулийн 62 дугаар зүйлд доор дурдсан агуулгатай 62.1.6 дахь заалт нэмсүгэй.

1/“62.1.6.энэ хуулийн 112 дугаар зүйлийн 112.1.3, 112.4.1-д заасан маргааныг шийдвэрлэсэн холбогдох сонгуулийн хорооны шийдвэр бол.”

2 дугаар зүйл. Энэ хуулийг батлагдсан өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2024 оны... дугаар
сарын ...-ны өдөр

Улаанбаатар
хот

ТӨРИЙН АЛБАНЫ ТУХАЙ ХУУЛЬД
НЭМЭЛТ ОРУУЛАХ ТУХАЙ

1 дүгээр зүйл.Төрийн албаны тухай хуулийн 52 дугаар зүйлд доор дурдсан агуулгатай хэсэг нэмсүгэй:

1/”52.4.Төрийн жинхэнэ албан хаагчийн байнгын бус ажиллагаатай сонгуулийн байгууллагад ажилласан байдлыг тухайн жилийн гүйцэтгэлийн төлөвлөгөөнийн биелэлтэд нэмэлт ажлаар тусгаж, үнэлж дүгнэнэ.”

2 дугаар зүйл.Энэ хуулийг батлагдсан өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2024 оны... дугаар
сарын ...-ны өдөр

Улаанбаатар
хот

СОНГУУЛИЙН АВТОМАТЖУУЛСАН СИСТЕМИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Сонгуулийн автоматжуулсан системийн тухай хуульд доор дурдсан агуулгатай хэсэг нэмсүгэй.

1/“6.2. Сонгуулийн автоматжуулсан системийг аймаг, нийслэл, сум, дүүргийн иргэдийн Төлөөлөгчдийн Хурлын ээлжит сонгуульд хэрэглэх талаар гаргасан энэ хуулийн 6.1.1-д заасан шийдвэрийг тухайн аймаг, нийслэл, сум, дүүргийн иргэдийн Төлөөлөгчдийн Хурлын нөхөн болон дахин сонгуульд мөн адил хэрэглэнэ.”

2/“14.4. Мэдээллийн технологийн төвийн саналыг үндэслэн даамлын орон тооны дээд хязгаарыг Сонгуулийн ерөнхий хороо батална.

14.5. Аймаг, нийслэлийн сонгуулийн хороо нь мэдээллийн технологийн багийн саналыг үндэслэн энэ хуулийн 14.4-т заасан орон тооны хязгаарт багтаан мэдээллийн технологийн даамлыг томилно.”

3/“21.6. Сонгуулийн автоматжуулсан системийн техник хэрэгсэл, тоног төхөөрөмж, программ хангамжийг стандартын шаардлага хангасан, Төрийн хамгаалалттай байранд хадгална.”

2 дугаар зүйл. Сонгуулийн автоматжуулсан системийн тухай хуулийн 6 дугаар зүйлийн 6.1.2 дахь заалтын “ашиглахтай холбогдон шаардагдах” гэснийг “ашиглах, аюулгүй байдлыг хангахад шаардагдах” гэж, 12 дугаар зүйлийн 12.2 дахь хэсгийн “Төрийн албаны тухай хуульд заасан ажиллах нөхцөл баталгаагаар хангагдана.” гэснийг “албан хаагчийг томилохдоо тагнуулын байгууллагаас санал авна.” гэж, 13 дугаар зүйлийн 13.1 дэх хэсгийн “нийслэлийн” гэснийг “нийслэл, сум, дүүргийн” гэж, “5” гэснийг “7” гэж, 14 дүгээр зүйлийн 14.2 дахь хэсгийн “төвийн” гэснийг “төв, багийн” гэж, 15 дугаар зүйлийн 15.2 дахь хэсгийн “бүрдэлд” гэснийг “иж бүрдлийг тогтоож, түүнд” гэж, 15.4 дэх хэсгийн “төхөөрөмжийг” гэснийг “төхөөрөмж, программ хангамжийг” гэж, 17 дугаар зүйлийн 17.1.1 дэх заалтын “тойрог,” гэснийг “тойрог, мандат, хэсгийн хороо,” гэж, 17.1.2 дахь заалтын “дэвшигчид,” гэснийг “дэвшигчид, нам, эвсэл” гэж, 17.1.4 дэх заалтын “явц” гэснийг “ирц” гэж, 21 дүгээр зүйлийн 21.2.3 дахь заалтын “бүрэн хаах,” гэснийг “хаах арга хэмжээ авах,” гэж тус тус өөрчилсүгэй.

3 дугаар зүйл. Сонгуулийн автоматжуулсан системийн тухай хуулийн 14 дүгээр зүйлийн 14.2 дахь хэсгийн “сонгуулийн зохих шатны хороотой гэрээний үндсэн дээр ажиллах бөгөөд” гэснийг хассугай.

4 дүгээр зүйл. Энэ хуулийг батлагдсан өдрөөс эхлэн дагаж мөрдөнө.

